



BUREAU OF
AMERICAN ETHNOLOGY.
1906
LIBRARY.

VOL. IX. NO. 10.

MAY 15, 1906.

50 cents a year.

Published Monthly, at St. Michaels, Fort Totten, P. O., N. Dakota.

ENTERED AS SECOND CLASS MATTER OCTOBER 16, 1905, AT THE POST-OFFICE AT FORT TOTTEN, N. DAK., UNDER THE ACT OF CONGRESS OF MARCH 3, 1879.

SAN FRANCISCO EN MA- KA HUNSHUNZAHAN ON WAWIHANGYA.

April 18, wihiyayena zaptan sam iyaye ehan innuhanna otonwe en tipi hiyeye kin hunshunzaha hinhda canke oyate kin nina ninineye hinhdapi qa najicapi. Qeyas wancak etan najin hunshunzaha kin nina canke tipi qon hena okajuju hinhde. De hececa kin icunhan tipi timahen peta yuke qon hena idede qa ohankoyeh otonwe kin ataya kinin ona tanka se hulinah aya. Wicotah timahenhen oihankepi. Tipi kin kajuju qa hulinage aye icunhan maka kin hunshunzaha canke wonininciyetanka hica. Tuktektan wanapopyapi hnakapi qon hena napopa canke hena koya wonininciyet kin sanpa kaga. Wana dececa qon nina otonwe etanhan najicapi.

Hogan tanka wanji caga pajuju au kin he iyecen maka kin nawankan nahukun, nasokopkopya u canke tipi hena icibototoya suujaha se kajuju hdihpaye. Otonwe kin maka iyutapi akenonpa keyapi. Wana de tipi hena ide qon hehanyan ootani sni, canke tokiyotan indugatapi ka nu tka. Oomani ekta qeyas ecetu sni. Wotansakta canke oomani sica. Otonwe ocanku ohna hemani canku kin tuwa maza kin hena nape on yuiciyapehebe kin he iyecen hinhda. Tasak tapi on qa ins maka hunshunzaha kin on wicasa kin manipi kte cin ekayes okihipi sni. Caehdepi kes sanpa yapi okihipi sni. Winyan kin iyotan tuktektan cinca adokiksohan yucancanpi se najin hiyeye. Wicasakin wanjig ehaas tukte ohna oiciyapi okihipi sni. Makoce oihanke wana en ipi kecinpi. Wana wiconihin-

ciye on otonwe etanhan najicapi tka Sinasapa wicasa wakan wan wicasa winyan ko ob otonwe ocalku en hipi qa cekiyapi. Tuktetu ke eya wicasa, winyan token hanpi okinipi sni qon hena hotank-tanki cekiyapi. Owote tipi qa ins wicasa otipi tank-tanki hecena wicasa ojuginna oihankepi. Hinhanna eciyatan canke hayake cona wanjigji oomani eceken najin hiyeye. Prewaniyanpi opawinge yamni otonwe en awicahipi enantu canke dena koya nibinciyapi qa ocinsica hinhdapi qa wicasa ota ihangwicayapi.

Wana hehanyena canke tona nipi qon hena titakuye owicakidepi qeyas nina oyokisica. Ecaca tapi kin 1500 henakeca iyawapi qa oyasyazanpi qa kakijapi kin ins 5000, qa ti cona ni iyayapi kin 4000 henakecapi. Tona nipi qon hena nina tehika wan wanyakapi. Tuktena otipi sni qa woyute qa hayake otehiika. Tankan istuma hiyeya. Mini kin nakun nina otehiika. Ipuza tekincapi canke upisja kes yatkanpi. Otonwe qeya ikiyena hiyeya e hena nakun en waakipapi. Berkeley, Brawley, Los Angeles, Monterey, Napa, Salinas, Redwood, Watsonville, Santa Cruz, Santa Rosa, San Jose qa Palo Alto. Dena en wicasa qa woyuba ota atakunipi sni. Tipi wanjigji kajuju kte sni tuka hulinaga on atakuni sni qa ins napopyapi. Otokahe ekta otonwe kin onspa toka sni kta kecinpi tuka wana tipi kin hulinah aye qon hena tipi kin iciyahipeya yute se ide aye qa hankeya otonwe ataya cahota ece e. Tokas peta kasni qon hena nina skanpi tuka waciniboakapi qa ayustanpi. Ipuza wicape kinica qon hehan wicasa wanjigji tukte tanhan icupi tanin sni miniwakan kin janjan ohnahna yuhapi, tuka akicita wawan-

yanka kin mazakan i pestona on wicakidapi qa wancak kabdebedecapi. Woyute otehiika canke aguyapi kaga wan canpahmiyanpi tanka ojuna aguyapi wiyopeya. Mazaska wanji kin ospe wanji kta hecen ihdawa tuka wicasa wan kasapi nom sam okiseihdawa si, tuka okihi sni keya, canke ehaas enah wicasa ota akihan te kenin najinpi qon hena owas canpahmiyanpi ekta iyayapi qa aguyapi ikincapi. Wana maka hunshunze kin henana qon hehan nina wamanon wicasa ota otonwe kin iyaza wakahi omanipi. Wicape ecen wawicaki omanipi, qa tanyan skanpi sni canke otonwe itancan, Mayor Schmitz akicita wicada, canke akicita 1200 ohankoya en ipi. Ipi qa wancak tona wakani omanipi ins wicape awamawicanonpi qon hena kaga iyewicayapi.

Akes Mayor Schmitz maka owancaya woyute qa wookiye icewicakiye. Canke wancak nina okiyapi kta iciconzapi. Hemani ohna aguyapi span ojuginna aipi. Tibosdata ko ota aipi, canke wakeya otonwe wan icaga.

Omasape kin owas ecetu sni, wanjina e e tanyan iyopta canke masape wicasa kin wicohan ota yune. Titakuye wawiwangapi on masapapi ota i tuka wanjigji innipi ca sni. De titakuye iwicakihni qon hehan wanjigji titakuye iyekiyapi sni on nina wocante sica ota. Tuktektan waanakiksnipi yuke. Tona nipi kin hena makoce tokankan sanpa najicapi. Hemani qa peta wata ohna tona makoce tokan hiyupi kta cinpi kin hena wokajuju wanin ya okihipi kta wookiye canke wicota tokiyotantan keesa hemani ohna iyayapi.

Tona najicapi kin hena tawohdakepi kin wotanhdusasaka.

Mrs Agnes Zink, Los Angeles

ekta hemani ohna najica i unkan he decen wohdake. --Hihanna ehan timahen makasan iyunpi qon hena kahdaye qa amahinhpaya on inawajin. Owaneye kin kin nakun mnumus hinhde qa tipi kin hunshunzaha. Canke taku tona pawakihte qa inahni ocanku ekta imdamde. Tipi wan etanhan wahiyu qon he tipi wan iyokihe han ca he kici icibotoya kajuju qa wancak ide, wis! wis! eyapi ka wakpape. Heceh tipi kin he timahen imahanke tka. Owote tipi en winyan wan oitancan e tipi kin iyoyasinyan hulinage. Wicasa kin token okihi niye wacinpi qeyas ecaca okihipi sni canke ayustanpi. Wancak hemani oinajin Southern Pacific Station etkiya anawatan. De makaiyutapi yamni hehanyan qeyas takomni etkiya waimnanka. De mde kin nina tehika. Tokaka ca ewahde sni. Hdihicahan munke. Otonwe kin en tipi kin owasin wankahe qa sota on nina oniya sni mate kte se ececa. Tokiya qeya wicasa, winyan ko pan onpi. Hena owicakiyapi cinpi qeyas ataya token hanpi ca sni on wanjigji panpi ecen hulinagapi. De peta kin nina woitonpe ka.

Mrs. M. Hoyle insiya hemani ohna najica onkan decen woyaka: --Toka maka hunshunze kin he wakinyan hotonpi se hulinage se hiyu canke wicasa winyan ko innaakinye se peta wata anatanpi--ehaas ecaca tona deceli najicapi qon hena taku toka kin sdonypapi sni kepee. Mis miye kin takuna yuba inawajin sni. Wiconi mitawa eceena ni wakiye. Wicotah sina hdownwin najinpi. Wakanhejane kin hunku ob ob tehiya najin hiyeye. Wicasa kin tipi etanhan tawicu, cinca ko kicin cin abinawicapapi. Tuktektan ehaas wicasa kin kacekceky deceli skanpi. Mis miye

SINASAPA WOCEKIYE TAEYANPAHA.

REV. JEROME HUNT, O. S. B.

PUBLISHER and PROPRIETOR.
FORT TOTTEN. NORTH DAKOTA.

With the Approbation and
Blessing of Rt. Rev. John Shanley
D. D. Bishop of Fargo, N. Dakota.

MAY 15, 1906.

kin tokiyotan ehaas mde kta tanin
śni tka katkiya wicota aya canke
wicihakam mde unkan can tanka wan
wankahe qa dehanyena unkatapi tu-
ka. Akes hecen unyapi unkan tipi
waukatuya ĩca wan kawanke qa iya-
unndaskicapi tka. Eges uina wacin-
ksap wecon. Hemani ekta wai qa
Wakantanka wopida ewakiye."

Wayazan oti tona he kin nena en
wayazan qeva wankapi kin tonaken
tausak ĩapi on ĩapi.

Otonwe en wicakaskapi qeya yan-
kapi unkan hena enah tokapi śni
canke iwicacupi qa tokan ewicanna-
kapi.

Maka owancaya wana wookiye
econpi kta. Tunkasinayapi Wakiya
etanhan mazaska \$1,000,000.00 en
owicakiyapi kta yustanpi, qa atokan
mazaska mnayanpi qa wana tona nipi
qon hena owicakiyapi. Nma oiyokri-
sica.

Maka span tipi kin hena e qa he-
nan taku on tipi kaġapi ke eša nena
owas toka śni kajujupi. Maza on ti-
pi kaġapi kin nenana e e tanyan.
Hece detannan tokatakiya maza on
tipi kaġapi kin hena eceena de oton-
we wan ibanke kin hea eca ece ka-
ġapi kta.

Sinasapa Wocekiye kin taku wo-
yuna mazaska ota iyawapi kipiya
atakunipi śni. Ataya \$20,000,000.00
kipiya atakunipi śni. Tipi wakan 33
huhnaġa qa nakun owayawa kin iye-
nakeca. Dena ke waniyetu wikce-
mna śakpe behanyan iyopte qa de-
hantu kin atakuni śni.

Eya deceli dena decetu qa tuwe
keceyaś wacin ibośake kte se ececa
tuka necena śinasapa wocekiye kin
imhan śni iyopte kta.

Otonwe kin eśni se tokata nina
sanpa tanka kta kecinpi.

OWANCAYA WOTANIN.

Snamokin, Pa., en Albert De Long
Jr. tawicu kici kiciġe qa on etanhan
iġikte kta awacin. Janjan wan peju-
ta śica onna on se ececa canke icu qa
wancak tona en onka owasin yahepa.
Unkan hena wiyaskabye heca canke
i obmuns iciyaskape qa oniya śni ta
tka. Pejuta wicaśa niyanpi.

Andrew Carnegie wicaśa wijica
lica wan deceli eya: "Woiciconze
ota, tuka tuwe wan miniwakan yatke
kte śni woiciconze kaġe qon he wi-
coni on woiciconze wikcemna kipi.
Kośka kin iyotan itomnipi on wiconi
hdutecepina."

April 29,—30, 1906 heenan Balti-
more otonwe en Śinasapa Tipiwakan
wan wana kaġapi betanhan waniyetu
opawinge tkunsyenah hihunni e on
wokiksuye wocekiye econpi. De ti-
piwakan 1806 heenan Bishop Carroll
iyopteya. Den timanen bishops kin
26 henakeca woiciconze wakan kin
icupi qa śinasapa, wicaśa wakan 1256
henakeca wicohan wakan kin wica-
qupi. Maka owancaya śinasapa wo-
cekiye en oitancanpi kin hena witaya
hen wicakicopi.

James D. Phelan, Śinasapa wicaśa
jicaka wan, \$1,000,000.00 San Fran-
cisco en wookiye wicaqu. Rockefel-
lers. Astors qa Vanderbilts insinya
heconpi tuka deceli ota icunpi śni.

SAN FRANCISCO en woakipa wan
iyahdepi kin becena ke eša woabde-
ze qa wowanokonkiye unkieupi kta.
Maka akand iħanhan onyakonpi qa
maħpiya ekta e e obitni wiconi kin
unkakitapi kta.

San Francisco oħanke śni ikokam
anpetu yamni icunhan nina woiyu-
śkin ojupina ĩca. Owaci, osunkin-
yankiye, owapazo qa owayekiye tipi
qon dena nina wankantuyaħ iyopta
keyapi. Iyotan he hanhepi wan en
maka hunshunzane kin he icunhan
wowiyuśkin on oyate kin teħi, ĩka.
De śidsiġiconzapi naceca.

Kośka nom wayekiyapi tanka
econpi Adolph Gluck, Chicago
etanhan \$25,000.00 Rudolph Jones
yekiye. Adolph Gluck wi akenom
hehanyan woeye ecihmiyan wanjina
eye kte śni, wowicake ece eye kta qa
he icunhan wowimaġaġa iġiye wanjina
econ kte śni qa woyute on wi otoiyoi-
hi watohanyan akiħan iġiye kta.

Canke Rudolph Jones woyekiye kin
icu. Eya teħiya eya tuka tuwe taku
wan okini kta canna okihi.

Tokata 1907 kin Jamestown, Va.
en maka owancaya wapazopi tanka
yuhapi kta.

Miniwakan oyanke en mazacanku
opta eyayapi kta e wanna nina ĩta-
nipi. Dakota oyanke itimahan oton-
we kaġapi e Dakota wanġiġi makoce

on wiyopekiyapi kta naġiye wicaya-
pi. Bde kin opta cankaġonpapi wanġi
kaġapi kta e wanna en nina śkanpi.

Chicago en hokśina tona wicohan
iġidapi. Wowiwange wanjina on
oteħipi. Canonpapi kin heon.

San Francisco en Śinasapa tawo-
tanin wowapi okaġe tonaken atakuni
śni.

Wanaonħonpi eciyatanhan Inyan
Bosdata oyanke en ĩemani wicaśa
k.n nina canku kaġapi kta ĩnnipi.

CONGRESS WOMNAYE.

PINE RIDGE AGENCY, S. DAK.

From the Rosebud Congress \$47.50
Alex Mousseau 1.25
Charles Randall .75
John White Wolf 2.00
Louis Mousseau 4.60
Black Elk 3.20
Different persons 1.18
J. J. Bosel 1.00
Edgar Fire Thunder 1.00
Mrs. Rowland 1.00
Nelson Shangreau 1.85
Wm. Garnett .50
Govego .75
Gibbons 1.00
Annie Gibbons .50
Schweigman 1.00
Bur Janis Jr. .50

MEDICINE ROOT OMNICIYE.

Thru Joe Horn Cloud \$3.40
Louis Pourier .60
Living Bear 1.15
Le Deon 1.00
Major Brennan 5.00
Miss Morgan 2.00
" Farrel 1.00
Mr. Gunn 2.00
F. L. Hubbard 2.00
Rev. Johnson 1.00
J. J. Duncan 2.00
J. Red Willow 1.25
From the owancaya omniciye 6.78
Ataya \$98.76
Lecala Holy Rosary Mission el witaya
omniciye tanku yuhapi na el womnaye
kin lena klaotaninpi. na wamnaye kin
nahanhei (8) śaklogan hipi śni.

Le waniyetu el mazaska lila wanice
na heon ota mnayapi śni, śka wana
wowasi econpi nainś mazaska yamni
qon he ecanna kpmnapi kte na ake
wamnayapi qon hena isanpa lila śkanpi
kta iġiconzapi.

Nitakolapi he miye
LOUIS MOUSSEAU.

FINE RIDGE AGENCY, S. DAK.

April 16, 1905.—Tokata July 12, he-
hanl Congress unyuhapi kte on lecel
waunkluħtanpi.
Alex Mousseau president. Joseph
Red Willow, vice president. Rev.

Matthias Schmitd, treasurer. Louis
Mousseau, General Secretary.

Lena tom hekta August 12, 1905
hehan na wicayustanpi, na lecala ake
congress committee hecapi kta wica-
yustanpi.

COMMITTEEMEN.

Joseph, No Water, White River etan.
John Nata Witko " " "
Apple, Loafer Camp " "
George Close, Holy Rosary Mission " "
M. Red Bear, Wolf Creek " "
Thunder Horse, Wounded Knee " "
James Grass, Porcupine " "
Nelson Shangreau, Medicine Root " "
Henry Wakan Nahomni, Corn Cr. " "
Wm. Randall, Bear Creek " "
Wm. Brown, Pass " "
Peter Richards, Lake " "

Nakun St. Joseph na St. Mary tona
Pine Ridge oyanke el unpi qon hena
Holy Rosary Mission el 4th of July
celebration yuhapi kta kluħtanpi.

Na hehanl congress on wamnayapi
qeya wi wicayustanpi ca ĩhanni yao-
tanipi qon hena waklaotaninpi, yunkan
ata yuwitaya kin el lecet.

Aslalyela yuhapi kin, \$100.00 wahe-
cet. Ptewaniyanpi kiġonpi kin lena-
kecapi 25. Śunka wakan 9,

Na wamnaye akenonpapi qon etan (8)
śaklogan hipi śni, na hena tantanyan
wamnayanpi keyapi tka taniyan ĩklaot-
taninpi śni, tokata mazaska yamni wan
kpmnapi kte na hehanl nakun St.
Joseph na St. Mary oyasin 50cts ki-
ġonpi kta ĩkluħtanpi. Nakun woyuha
na woyute ko mnayapi.

Ho mitakuyepi, wanyakapo, kuciyela
naunjinpi na heon blokehan congress
kin le okiyapi kta qon hena ahiton
wanpo. Nitakolapi qon,

Alex Mousseau, Joseph Red Willow
Louis Mousseau.

ST. MARY OMNICIYE ITANCANPI.

Rufina Ptemaniwin itancan. Annie
Oyewin okiye. Lucia Hawk Bear, wo-
wapi kaga. Scholastica Wakapewin,
mazaska awanyaka. Rose Uncagewin,
olowan itancan. Helen Tcktawaakliwin
wapaha yuha. Louise Tunkasapewin,
wokagege awanyaka. Susan Martin,
wayazan awanyaka. Josephine Cinpi-
win. tiyopa awanyaka.

Ho hena wi akenom behanyan can-
te waštaya Wakantanka pa ohlate wo-
wasi econqonpi kta onkiciconzapi.

Tona Eyanpaha lawapi kin owasin
cantewasteya nape ciyazapi.

LUCIA HAWK-BEAR.

STANDING ROCK, S. DAK.

Okahmi, St. Edward's Church, hekta
October wi qon hehan St. Joseph omni-
ciye apiyapi na lena itancanpi.

Louis Oka itancan. Eugene Pte-
gopecamato, okihe. Henry Ironcedar,
wowapi kaga. Felix Tatankaheksa,
mazaska awanyaka. Frowin Reels, olo-
wan itancan. Joe Claymore, wapaha
yuha. Thomas Martin, wayazan awan-
yaka. Francis Madbear, Felix Black
Cloud, wigliglapi. Felix Martin, tiyopa
awanyaka.

LOWER BRULE AGENCY, S. D.

Lecala March 29, kin el Kuta Wicaşa tipi qel wonahon wanji wanon-yakapelo. Yunkan Lakota oyasin kagal hinglapi na el iyapi wanjikji tokeca tanin ye lo. Toka huwo? Lakota kin wasicula ob woyuſtan wanjikji tankinkinyan onkagapi qon na el taku tona woyuſtan kin he na oyasin Lakota iyowajapi kta ca yuſtanpi qon lehanl ake woyuſtan tokeca wanji onkicagapi kte cin le hecetu ſni yelo. Wan qeya Lakota cinca wayawapi kta on tunkanſila ti el womnaye wan yanke ċun eya ſtukalaka he woyuſtan kin Lakota cin-capi kin tukte okna taku iwaſtepi kte cin he okna waonſpewicakiyapi kta ca womnaye kin he yanke. Ho, yunkan lehanl Lakota tona ſinasapa oonpapi hecin nenake womnaye wan niskotanka yanke cin he iyounwajapi ſni hecin slolonkiyapi waſte; na iyounwajapi hecin inſe he etannan on ſinasapa wayawa kin he iyankin kta ca oncinpi kte. Ho, yunkan kolapi onkicincapi kin taku onſpewicunkiyapi kte cin le tuwa kuſeyin kte cin na iyowinonkiyapi na onkayuſtanpi kta iyecetu ſni na inila onyankanapi kta ċa hecetu ſni. Tka el eonkiċetonwanpi na woonspe tipi onkitawapi el eontonwanpi kte iyecetu welo econ wauncinpi kte. Mitakola tona ſinasapa nenicapi hecin oyasin pa yuwankanl icupiye! Womnaye wan wayawa tawomnaye eciyapi kin he el ewicunkipazopi ktelo. Ho yunkan mitakuyepi kakel awacanmi kin on hepelo. Tona ſinasapa oyapapi qon waniyetu 18 hetannan wicacaje mnaonkiyapi ktelo. Na petition kin he kluha New York el waſicu ſinasapa omniciye el onyanpi ktelo. South Dakota na North Dakota el tona ſinasapa onqonpi hecin wicoċan kin le el euntowanpi ktelo. Heconqonpi na omniciye kin el onkipi kin nakeſ wicoċan kin le atayatanyan unkluſtanpi ktelo. Ho eya mitakuyepi, wicoċan kin le eciyatanhan taku ota epa wacin tka. Hena slolyayapelo tka New York el omniciye kte ċun le el petition onkagapi na el kluha onyanpi kta ca woikni kin le sanpa icewicunkiyapi kin he wawiyungapi kta econ wiconſipi ktelo. Sanpa on epe cin le wicaſa wakan kin wicawakelo, na onyanpi kta onkokihipi kin oyanke oyasin etan wanji nainſ nonp onyanpi iyecetu welo. Le wicoċan kin lila onkiċuwapi ktelo. Mitakolapi, bliheiciyapo! wicaſa wakan eccla wi-kni wicunkiyapi iyecetu ſni yelo. Na hena wawicakta onqonpi kta iyecetu ſni yelo, tka wicoċan kin le onkiyeſ iyonwajapi na onkiwaſtepi

kte cin heon onkiſiya el wowaſi econqonpi ktelo.

Ho hehanl omniciye wan onqunpi qon heciyatan taku waklaotanin kte lo. ſinasapa omniciye apionkiyapi na lena oitancanpi.

George Yellow, itancan. Bede Small, okine. Eugene Pretty Shield mazaska awanyaka. Iver Eagle Star wowapi kaga. Eugene Swift-hawk, lowan itancan. James Good Road, tiyopa awanyaka. Iver Eagle hawk iapi awanyaka. Nobbin Larocne na John Little-elk Horn, wicahapi awanyakapi. Louis Larocne wacica koyake cin.

ST. MARY ECIYATAN.

Virginia Eagle-Star, itancan. Cankleſkalutawin, okihe. Sarah Pretty Shield, mazaska awanyaka. Mary Handsome Elk, wowapi kaga. Mrs. Swift Hawk, lowan itancan. Mrs. Bad Horse, tiyopa awanyaka. Ho St. Joseph na St. Mary okolakiciye apikiyapi na lena wicayuſtanpi.

Na oyanke wan el onqunpi kin wicoċan wakan tanyan iyankin kta oncinpelo. Ho yunkan oyanke omniciye onqunpi etan kola wanji uſtiman iya ſkelo. He lila wacisa ca omniciye econqonpi kin ataya slolye ſni hee lo.

Lecala omniciye econqonpi na wouunkluſtanpi ca to he nayahonpi ktelo. Pine Ridge, S. Dakota el omniciye kte cin on womnaye wan econqonpelo. na \$5.30 mnaon-yampelo, na koſka wanji wamnayin kta ca yuſtanpi. Ben Handsome Elk he e.

Ho le April 1, 1906 el wi wanji omniciye econqonpina he onkluſtanpelo, hetan wana womnaye kin he iyayelo. Ho mitakolapi, wicoċan wakan el wowaſi econpi kin tehike ſa oncantepi kin wicaka on econqonpi kin tehi ſni iyecel econqonpi ktelo. Incin wacekiye le sa na omniciye le sa canke eccla awacanni na omniciye taku on waſakin kte cun lila iyankin na wicaſa wakan hi can woahtani oyaklake sa, canke on lila waſakniċiyin na wicaſa wocekiye awacin kin benica kta e he lila yacin yunkan tona St. Joseph heoncapi hecin hecun se wacin onyuzapi qeſ wicoċan woikni el onblihecapi ktelo. Na okolakiciye tawicoċan taku lecca woikni kin panpanla se onkokihipi ktelo; tka wicaſa wawicakta ikni wacin ſni omniciye el ye ſni na wacekiyapi el ye ſni onqonhanpi kin taku wanunyakapi na taku slolonyapi kta huwo? Tka wicaſa wanji okolakiciye wakan kin waſtela na okna ye

wacin he wicoċan ota waſteſte wanyakin ktelo; na taku wakan waonſila kin okiyin na sanpa wicoċan waſte ota wanyak-kiyin ktelo. Heon mitakolapi, oyasin el etonwanpiye, wicaſa wakan wicunyahapi kin taku wanji okihi wicunyahapi kinhan onki-sanpa onkicincapi iwaſte wicayapi na wicaſa waſte na winyan waſte ocekiye wicaſa winyan heca icagapi, he taku maka akan inankeya waſte kin e yelo. Ho mitakolapi, le wicoċan kin lena on lecel epa wacin ca epelo. Micante on nape ciyuzapelo.

Nitakuyepi wanji

IVER EAGLE STAR.

VEBLEN, S. D. APRIL 20, '06.

Dear Eyanpaha:—

Anpetu de cikſuya on etanhan Sisseton ed onkiſeya ſinasapa okodakiciye imanen St. Mary okodakiciye wan heca e onyakonpi kin etannan token unkiċduhapi qa wicoċan onyuhapi kin tonakiya Eyanpaha iyacupi hecinhan onan-onpi wacin ye. Mitakuyepi, wicoċan waſte kin yuſe onwaciupi tuka waonſakapi ſni ye, ecin taku on waonſakapi kte cin onyuhapi ſni qa econqonpi ſni heon etanhan neoncecapi kecanmi ye.

ſinasapa (priest) onyuhapi ſni, eyaſ wi wanji ecan wanji hi ecee eſta ieſka ſni nakaſ, toninni Yutapi-wakan onkiċupi ſni qa woahtani onkondakapi kta kin he e kaeſ econqonpi ſni; heon etannan waonſakapi ſni kecanmi ye. Eya mitakuyepi, hececa eſta token onkokihipi okodakiciye iyonuſtapi kta oncinpi qa nina itaonnipi ye. Qa eya dehan St. Mary okodakiciye onyakonpi kin imanen oitancon wicoċan yuſe wicakiyapi kin eepi.

Mrs. Joseph La Framboise, itancan.

Justian Adanis okihe. Mrs. J. C. De Marias wowapi kaga. Jennie Thompson, mazaska awanyaka. Susan St. John bible history yawa. Julia Tunkaakaſotewin, wokagege awanyaka. Rosie Demarias, dowan itancan. Mary Nelson, wamnaya. Julia La Framboise, wayazanka awanyaka.

St. Mary okodakiciye onpi kin he kta omaka 1905 qa anpetu debanyan wokagege wakamnapi kin \$74.00. Mitakuyepi, tipi wakan onkitawapi nina onſike hee ye, onkan winyan O. kin he on token okihipi wokagege on mazaska kamnapi cinpi, qa tipi wakan tohan piyapi kte cinhan onſpaya eqeſ wawounkiyapi oncinpiye.

Tona St. Mary yaonpi hecinhan wocekiye on onyeksuyapi oncinpiye, hecece cinhan okini Wakantanka

onſundapi kte qa sanpa St. Mary onyakonpi kin waſagya itaonnipi kta ecanmiye: heon etanhan mitakuyepi, tona Eyanpaha iyacupi hecinhan iyuha onyeksuyapi wacin ye.

Cantewaſteya nape ciyuzapiye.

JULIA C. DE MARIAS.

ST. FRANCIS MISSION, S. DAK.

Hekta "Anpao" kin el wayaotanin na Tunkaſilayapi okihe kin Lakota wicaknayan keye. The Commissioner of Indian Affairs hecon tka wicaknaye ſni. Petition kin he Agent Edward B. Kelly Lakota kin tona Rosebud, S. Dakota el onpi kin tanyehci ables wicaye, heon tona Mission School cinpi kin wowapi yutanpi awableze lo. Hekta tokel kapi he oncinpi tka petition kin ayutokecapi kin wanyakapi tka tokeſa tonkanſilayapi el wolakota tona yanke cin hena slolye unkecinpi lakaſ kokipe ſni naunjinpi. Ho, ito, hekta lel wolakota kagapi kin wanyaka po, hecel ablesniċiyapi kte; 1868 U. S. art. 4, owayawa na inſ Mission etan kagapi na Lakota cinca waonſpewicakiyapi kte wakanyeya waniyetu 6 and 17 iyokokna kin hena kapi na ake woyuſtan wan 1882 el art. 7, nakun 1868 art. 7, he iyecceca wan el caje-yate, na tunkanſilayapi wan okahnige eciyatan. Lakota kin sanpa oiciyapi kte kin owaonſpekiye kapojela hetanhan onyanpi kte contract system el U. S. Pres. Grant 1870 hehan woyuſtan kage, act of Congress 1889 nakun 1891 woyuſtan el lecel eyapi.

Lakota tamakowaſpe el wakanyeya waonſpe wicakiyapi kte (heceklala ſni tka Mission School eya Lakota tamaka el hiyece cin el.) Ho tukteni wolakota kagapi el tunkanſilaya owayawa icajel wolakota ſni nakun tuwa hecel cin ſni tka iſikein wayawakiyapi kte ſni woope e tukteni yanke ſni. Iho po, mitakola wakanyeya lena on makoce tankinkinya on wolakota kagapelo; heon Lakota cinca kin lena wolakota mazaska kin iyowajapi kte ſni huwo? Na inſ Lakota cinca kin lena tonkanſilayapi wablenica wayawa wicakiyin kte huwo? Inſ \$3,000,000.00 fund hena wakanyeya tona Mission wayawapi kin iyowajapi kte ſni huwo? Taku onkapi lena e e yelo.

Lakota makowaſpe tona yanke cin hel imahel tona onpi kin makoklapapi he iyuha iyowaja, nakun he iyecel \$3,000,000.00 yanke cin iyuhe iyowajapi tka tokeſke ableze ſni nakwakapi el lila ſkanpi.

Peter D. Mawatanihanska wana hunke ſni hpaye cin on yeksuyapi waſte ke, wocekiye el wacinyepi ca heca heon nape ciyuzapi.

LEO HAWK-MAN.

Christ ihakam ye kin (Christian) henica hecinhan ikpazo wo, tuka wicake on, nakun ohanye cin on.

Wacantkiyapi kin tiyatanhan tokaheya inapa; taku owasin tiyatanhan oenape.

CHURCH HISTORY.

5.—ROMAN OYATE KIN
WOCEKIYE OPAPI ŚICAYA
WICAKUWAPI.

1. Roman wicaſtayatapi wocekiye opapi eya ſicaya wicakuwapi tka waniyetu opawinge yamni iyohakam Roman wicaſtayatapi wikcemna iyo-tan wocekiye opapi kin nina ſicaya wicakuwapi. Omaka 66 heehan Nero wicaſtayatapi un qehan tokaheya ſicaya wicakuwa kin hee. Rome otonwe kin ideya, qa on oyate kin canzeſi wanyaka unkan, wocekiye opapi kin iyawicaonpa (en awicaya.) Wancanna canze qa Cnrist wicadapi kin iyawicalipayapi, qa wicokaſke tipi en elhpewicayapi, huni iſ wicaktepi.

2. Ota wicayutapi kta e wamanica wicakupi, onge iſ Tiber wakpa en elhpewicayapi. Onge iſ pa wicakakſapi; onge iſ icipawen owicakatanpi; onge iſ canſi iwicaunpi qa hanhepi ca idewicayapi, tukten wicota eca hecen ijanjanwicayapi ecee. Wicalica, winoſca, hokaſina qa wiciyanna ko wiconi tawapi kin Christ on elhpikiyapi.

3. Hehan nakun wicaſtayatapi napeinwank makoce ataya wocekiye opapi kin ſicaya wicakuwapi kta e yaotaninpi. Qa etaninan omaka 93 Domitian, qa omaka 202 Severus, qa omaka 225 Maximin qa nakun omaka 303 Diocletian dena itancan unpi qehan iyotan Catholic hecapi kin tehiya wicakuwapi. Waniyetu opawinge yamni hehanyan Rome otonwe kin pte okte tipi iyececa qa wicaſta onnyanpi ſni seececa. Makoce tokeca etanhanhan wocekiye opapi kin Rome etkiya yusdohanhan awicayapi qa okaſke tipi en wamanica temwicayapi kta e awicapi ecee, qa onge iſ cewicaonpapi. De woowotanna ohna wicoicage kin ee.

4. He wicoicage kin heehan makoſdoka qapi, qa wocekiye opapi kin hen manen inamapi, qa ſapi kin wicakiſapi qa hen manen Mass woſnapi kin econpi ecee. Anpetu kin dehanyan nahanſci woowotanna ohna wicaktepi huhupi kin iyewicayapi ecee, qa nakun wicakiſapi kin akan iteowapi, akan wacekiyapi, wiyatke wakan (chalice.) akan owapi, Catholic wovicada kin on hena onkipazopi, Christian otokaneya wocekiye yunapi kin qa dehanyan onkiſ onyunapi kin heciyatannan dena on wocetundha wanica.

5. Wocekiye ohna wicakte yukan ehan. St. Ignatius qa St. Polycarp henaos wicaktepi, Felicitas qa Perpetua, wamanica yapon wicakiyapi;

St. Agnes iſ pa kaksapi; St. Lawrence iſ wiceunpe ohna ceonpapi; qa St. Cecilia iſ oihdujapi en niyaſni teyapi kta yacopi. Dena dececeen onſiya wicakuwapi woyukan qa iwicayutapi; hececa eſta Christ inakam manipi kin sutaya wacintankaya najinpi qa anpetu iyohi isanpa wowaſte tawapi kin qa wowicada tawapi kin patanwanjina hdujapi. Wocekiye opapi kin tankaya qa tehanmatuya hutkan yukeya u, omaka 320 ehan Constantine Tanka kin wicaſtayatapi Christ ihakam ye kin heca ihdaotanin, qa wocekiye opapi ſicaya wicakuwapi kin ayuſtanpi. Christ maka kin ohiya qa Wakantanka etkiya yunomnapi.

6.—WOCEKIYE OAHE ETAN-
HAN IHDUTOKANPI KIN.

1. Wocekiye tankaya icah aye cin nakun indutokanpi icaga, (wocekiye toktokeca icaga.) Jesus taokiye wicaye cin munpi kin he ehan Jews oyate kin tona Wakantanka etkiya wicayuhomni kin Christ woope teca tawa kin qa Moses toope kin kici owanjina woopayapi kta cinpi. St. Paul de cin ſni on wahokonwicakiya. Omaka 51 Jeruselem en wohdakapi. St. Peter itancan yanke, unkan Moses toope kin qa Christ toope teca kin kici owanjina kta ſni iyukanpi.

2. Unkan hehan Simon Magus, waonspekiyapi kin wapetokeca econpi wanwicayaka unkan ija wapetokeca econ kta wowaſake qupi kinhan mazaſka wicagu kta keya. wicadapi ſni, (okini ſni.) unkan hehan wocekiye kipajin, onkan Rome ekta i qa Christ iyecen wankantkiya ye kta keya yaotanin. Qa anpetu kapi kin. iyehantu unkan oyate wicota wicotokam wakanſica towaſake kin on wankantkiya iyaya; tuka St. Peter cekiyen cin on nihpaya qa kaſa. Hehan ake Ebionites qa Cerintians (oyate) kin Christ he Wakantanka ſni keya waouspekiyapi. unkan St. John ao wicayaka qa on wotanin waſte tawa kin en hehan aiwicaya qa Christ he Wakantanka ee keya.

3. Waniyetu opawinge inonpa qa opawinge iyamni kin econhan Gnostics kin maka kin otokane wanin han keya waonspekiyapi; hehan Manicheans. iſ Itancan nom otokane wanicapi keya waonspekiyapi. unman waſte qa unman ſica keyapi; hehan nakun Sabellians kin. Wakantanka (Persons) yamni ſni keya waonspekiyapi. Ireneus, Tertullian, Cyprian qa Orogen, Wocekiye opapi wicaſta kin dena, neon awowapi wicakagapi; wocekiye nakicijinpi kin heon.

4. Omaka 319 heehan Arius, Alexandria en ſinasapa tka, Wakantanka Cinhintku kin he Ateyapi kin kici akiyecece ſni keya waonspekiya. Omaka 325 ehan Nice en wohdakapi, unkan hen ſica yacopi, qa icicawin hde kta wicada ſni, hehan heyata elipeyapi. Waniyetu wikcemna iyohakam omaka 336, Constantinople ekta ki qa ipajinyan wocekiye en hde wacin tuka Wakantanka nape kin oyutan qa ſa, iyatanhan we kin ahiyu qa tezi kin nahden hiyu.

5. Omaka 430 ehan Nestorius Constantinople en (Bishop) waawandaka heca, Mary witanſna un kin he Wakantanka hunku ſni keya, qa Christ he wicaſta e Christ eciyapi keya waonspekiya, tuka wowicake kin decen onspeonkiyapi Christ en (Person) wicaſta wanjina, heon etanhan Mary witanſnaun kin he Wakantanka hunku. Omaka 431 Ephesus en owondake qehan Nestorius ſica yacopi. Omaka 439 hehan ſa. Caji kin iyokuka.

7.—WOCEKIYE OAHE ETAN-
HAN IHUTOKANPI KIN.

1. Eutyches ſinasapa (monk) Constantinople en, Nestorius ſicaya waonspekiye cin kipajin, tka iſeya icicaniyan iyaye iciya. Christ en (persons) wicaſta nonpa keya waonspekiya; Eutyches iſ Christ en (nature) ouncege wanjina keya, tuka wowicake en hecen onspeonkiyapi, Christ en ouncege [natures] nonpa onspeonkiyapi, onman wicaſta [wicacehpi] unman taku Wakan ouncege. Omaka 451 Chalcedon en wohdakapi qehan, qa nakun omaka 553 wohdakapi qehan, de wocekiye etanhan ihdutokanpi [heresy] kin ſica yacopi.

2. Eutyches he e qa, hehan iyohakam Pelagius, omaka 417 ehan, taku ota icicaniyan onspewicakiye, Wakantanka eciyatannan wowaſte, qa woahtani tokaheya kin [original sin] hena on. Hehan Wakantanka wicaſta ksapa wanji icahya St. Augustine Hippo, Africa makoce en (Bishop) waawandaka heca, enake wocekiye etanhan ihdutokanpi kin neon hecetu ſni wahokonwicakiye kta heon wowapi kaga cin tohanyan wicoicage kinban hehanyan wanyakapi kta. St. Athanasius. Arius wocekiye etanhan ihdutokan kin heon aowapi kaga. St. Jerome. St. Basil. qa St. Gregory hena om wowapi kagapi kin on wocekiye kin sutaya han.

3. Wocekiye etanhan ihdutokanpi e wanna cajeyatapi kin hena eepi qa ahake kin hena hecen waonspekiyapi. Woniya Wakan kin he Ateyapi kin,

qa Cinhintku etanhan ſni waonspekiyapi, tuka Ateyapi kin eceedan etanhan keyapi, tuka de ihdutokanpi kin dena owasin Catholic Church kipajinpi; Protestant piya kagapi ſni kin hehanyan, Luther qa Calvin henaos ake Pelagian wocekiye etanhan ihdutokanpi qon he ake ohnayan qa iye akagapi.

4. De wocekiye kin Woniya Wakan kin, Ateyapi, qa Cinhintku, etanhan ſni, tuka Ateyapi kin eceedan etanhan keyapi qon nahanſcin he dehanyan Greek wocekiye kin, he Russia qa Turkey makoce en onspewicakiyapi. Nestorian qa Eutyches wocekiye oahetannan ihdutokanpi qa tokeca kagapi qon dehanyan Asia qa Persia makoce onſpaſpa ecen nahanſcin yuhapi.

TAKU TONA TIPIWAKAN EN
YAPI KIN ECONPI KTE
ŚNI KIN.

Cekiye yukan ehan ecee i ſni wo. Cekiyapi ſni ecen tipiwakan en itokab nihduwiyeya unkanſ ninagi kin wowaſte yakiyuhdoke kta tuka.

Wocekiye wowapi, qaiſ yuha wacekiyapi cona cekiye ye ſni wo.

Taku heca on ſni ehantanhanſ tipiwakan en ie ſni wo. Wakantanka e kici wohdaka wo, hehta anpetu-wakan kin hehantanhan Iye ti en yaſi ſni on; tokſta enakiyapi kinhan tohan yacin kinhan nitakoda kici wo yahdake kta.

Wowahokonkiye kin i enyeye ſni wo, token wawahokonkiyapi keceyaſ Wakantanka etanhan wahoſi nicahipi. qa wowicake yukan heon. Wowahokonkiye kin anaſoptan qa etanhan taku onspe wacin wo.

ſnasapa kin owayuſna kin etanhan tokan iyaye ſni kin hehanyan tankan iyaye ſni wo. Tuka woſnapi kin on Wakantanka wopida eya wo.

Wana kutkiya yaku kin ocanku ohna ie ſni wo. Wakantanka nitokab yanke cin kiksuya wo. Tokeſta taku tuwe eyakiye kte cin qa taku ehe kte cin tokiya iyaye kte ſni.

Timahen idade, qa ake yaku kte cinhan cankpe kin canowinja hehanyan yapakſije kte cin he kiksuya wo. De woyuonihan Tuwe hen yanke cin itokab yakpazo. Woſnapi kin etkiya, wowicada, woyuonihan on econ wo.

Tipiwakan tiyopa kin icahda miniyuwakanpi, qa womnaye koka he cin kiksuya wo. ſbuyapi wanjina eſta on nihdawaſte kta, qa onma kin he iſ mazaſana wanjina eſta onſikapi kin on oiyoſpeyaye kta, hena owasin owicakiyepica.